




Mtskheta-Mtianeti  
Regional Hub

სოციალური და ჯანდაცვის პროგრამების  
**გზამკვლევი**  
წყალთუბოში მცხოვრებთათვის

2024



ეს გამოცემა საუკეთესო საშუალებაა წყალტუბოს მუნიციპალიტეტში მცხოვრებთა ინფორმირებისთვის. მასში წარმოდგენილია ინფორმაცია მუნიციპალური პროგრამების, ჯანდაცვის პროგრამების და ასევე - დევნილთათვის გათვალისწინებული მომსახურების შესახებ (წყალტუბოში ხუთი ათასზე მეტი აფხაზეთიდან იძულებით გადაადგილებული ადამიანი ცხოვრობს).

გზამკვლევის მიზანია, ხელი შეუწყოს წყალტუბოს მუნიციპალიტეტის მცხოვრებთ სოციალური თუ ჯანმრთელობასთან დაკავშირებული პრობლემების მოგვარებაში.

საინფორმაციო ბროშურა მოამზადა ქალთა ასოციაციამ „ვაკეთოთ ერთად“, რომელიც 10 ნელზე მეტია, მუშაობს იმერეთში, განსაკუთრებით - წყალტუბოს მუნიციპალიტეტში და ხელს უწყობს ადგილობრივი სამოქალაქო საზოგადოების გაძლიერებას და დევნილთა ინტეგრაციას.

*საინფორმაციო გზამკვლევი შექმნილია პროგრამის „სამოქალაქო საზოგადოების გაძლიერება - დევნილთა და ლტოლვილთა ხმა საქართველოში“ ფარგლებში.*

*მის შინაარსზე სრულად პასუხისმგებელია მცხეთა-მთიანეთის რეგიონული ჰაბი და, შესაძლოა, რომ იგი არ გამოხატავდეს ესტონეთის ლტოლვილთა საბჭოსა და ესტონეთის საერთაშორისო განვითარების ცენტრის შეხედულებებს.*

*This information handout has been produced within the framework of the program “Supporting civil society and empowering refugee voices in Georgia”. Its contents are the sole responsibility of Mtskheta-Mtianeti Regional Hub and do not necessarily reflect the views of the Estonian Centre for International Development (ESTDEV) and Estonian Refugee Council.*

საკონტაქტო პირი:

ლეილა აშორდია - ასოციაციის „ვაკეთოთ ერთად“ თავმჯდომარე,  
დევნილთა სათემო საბჭოს წარმომადგენელი

ელფოსტა: leilaashordia@gmail.com

ტელეფონი: 598 73 75 77

## წყალტუბოს მუნიციპალიტეტის სოციალური პროგრამა

სოციალური პროგრამები (პროგრამული კოდი 06 02). პროგრამა ითვალისწინებს მუნიციპალიტეტის ტერიტორიაზე მცხოვრები მოსახლეობის სოციალური მდგომარეობის გაუმჯობესებას.

მეტი ინფორმაცია ვებგვერდზე:

<https://tskaltubo.gov.ge/>

ბ.ა) ქვეპროგრამა: ა(ა)იპ წყალტუბოს მუნიციპალიტეტის სათნოების სახლის (პროგრამული კოდი 06 02 01) დაფინანსება. პროგრამით სარგებლობს 200 ბენეფიციარი (133 ქალი და 67 კაცი). იგეგმება 20 ბენეფიციარის დამატება. ქვეპროგრამის ფარგლებში ხორციელდება შინ მიტანის სერვისი, რომელიც დაიწერა 2020 წლიდან.

ბ.ბ) ქვეპროგრამა: მუნიციპალიტეტის ტერიტორიაზე რეგისტრირებულ დღეგრძელ პირთა დახმარება (პროგრამული კოდი 06 02 02), 100 და მეტი წლის ასაკის პირთა მატერიალური დახმარება, თითოეულზე 1000 ლარის ოდენობით.

ბ.გ) ქვეპროგრამა: მუნიციპალიტეტის ტერიტორიაზე რეგისტრირებული ოჯახების მატერიალური წახალისება დემოგრაფიული მდგომარეობის გაუმჯობესებისათვის (პროგრამული კოდი 06 02 03). ერთჯერადი ფულადი დახმარება: ა) მესამე შვილის შეძენისას - 500 ლარი, ბ) მეოთხე შვილის შეძენისას - 700 ლარი, გ) მეხუთე და მეტი შვილის შეძენისას - 1000 ლარი, დ) ერთი და მეტი ტყუპის შეძენისას - 500 ლარი; ე) სოციალურად დაუცველ ოჯახზე (სოციალური მომსახურების სააგენ-

ტოს მონაცემთა ერთიან ბაზაში 0-დან 65000 ქულის ჩათვლით რეგისტრირებული), რომელთაც ჰყავთ 18 წლამდე ასაკის 3 და მეტი შვილი, გაიცეს ერთჯერადად 300 ლარი.

ბ.დ) ქვეპროგრამა: მუნიციპალიტეტის ტერიტორიაზე რეგისტრირებულ მოქალაქეთა სარიტუალო ხარჯი (პროგრამული კოდი 06 02 04). ქვეპროგრამის ფარგლებში იძულებით გადაადგილებულ პირთა, სამშობლოს დაცვისას დაღუპულთა და ომის შემდგომ გარდაცვლილ მეომართა ოჯახების დაკრძალვის ხარჯების ნაწილობრივ ასანაზღაურებლად გათვალისწინებულია 300 ლარი, ხოლო უჭირისუფლო გარდაცვლილის დაკრძალვის ხარჯის ნაწილობრივი ანაზღაურების მიზნით - 400 ლარის ოდენობით.

ასევე გათვალისწინებულია დახმარება ახალი კორონავირუსის ინფექციით გარდაცვლილ პირთა, სოციალურად დაუცველი ოჯახებისათვის (ქულა 65000-ის ჩათვლით) თითოეულზე 400 ლარის ოდენობით.

ბ.ე) ქვეპროგრამა: მუნიციპალიტეტის ტერიტორიაზე რეგისტრირებულ მოქალაქეთა ერთჯერადი ფულადი დახმარება (პროგრამული კოდი 06 02 05):

- ა) დიდი სამამულო ომის მონაწილის დახმარება - 1000 ლარი;
- ბ) ჩერნობილის ატომური ელექტროსადგურის სალიკვიდაციო სამუშაოებში მონაწილე პირის დახმარება - 350 ლარი;
- გ) დედ-მამით ობოლი ბავშვის დახმარება - კვარტალში ერთხელ 400 ლარი;
- დ) ცერებრალური დამბლით დაავადებული პირის დახმარება - 500 ლარი;
- ე) ა(ა)იპ „სათნოების სახლის“ ბენეფიციარის დახმარება სააღდგომოდ 100 ლარი და საახალწლოდ - 100 ლარი;



- ვ) მკვეთრად გამოხატული შეზღუდული შესაძლებლობის მქონე პირის დახმარება, რომელსაც სტატუსი მიენიჭა თვალის დაავადების დიაგნოზით – 400 ლარი;
- ზ) თირკმლის ჩანაცვლებით თერაპიაზე: ჰემოდიალიზზე და პერიტონეულ დიალიზზე დამოკიდებული მოქალაქის დახმარება – 2000 ლარი;
- თ) შეზღუდული შესაძლებლობის სტატუსის მქონე ბავშვის დახმარება, გარდა ცერებრალური დამბლით დაავადებულისა - 400 ლარი;
- ი) საქართველოს ტერიტორიული მთლიანობისათვის ბრძოლის მონაწილის, სახელმწიფო გასაცემლის (კომპენსაცია, საპენსიო პაკეტი, საყოფაცხოვრებო სუბსიდია) მიმღების დახმარება - 350 ლარი;
- კ) სხვა სახელმწიფო ტერიტორიული მთლიანობისათვის მებრძოლი ომის მონაწილის დახმარება - 350 ლარი;
- ლ) 2008 წლის 8 აგვისტოს საქართველოს ტერიტორიული მთლიანობისათვის საომარი მოქმედებების დროს დაღუპული მუნიციპალიტეტის ტერიტორიაზე რეგისტრირებული პირის ოჯახის (ოჯახის წევრის რეგისტრაციის ადგილის მიუხედავად) ფულადი დახმარება - 1800 ლარი;
- მ) მუნიციპალიტეტის ტერიტორიაზე უსახლკარო ოჯახის, პირის (საცხოვრებელი სახლი დაინგრა, დაინვა ან საცხოვრებლად უვარგისი, ავარიული ან სიცოცხლისა და ჯანმრთელობისათვის საშიში გახდა, სტიქიური უბედურების, უბედური შემთხვევის ან სხვა გარემოებების გამო დარჩა უსახლკაროდ და არ გააჩნია ალტერნატიული საცხოვრებელი ფართი) დროებითი საცხოვრებელი ფართით უზრუნველყოფის მიზნით ბინის ქირის ასანაზღაურებელი თანხის გაცემა თვეში არაუმეტეს 300 ლარისა;

- ნ) ოჯახში ძალადობის შედეგად უსახლკაროდ დარჩენილი მუნიციპალიტეტში რეგისტრირებული ოჯახში ძალადობის მსხვერპლის სტატუსის მქონე პირის (პირთა) დროებითი საცხოვრებელი ფართით უზრუნველყოფის მიზნით ბინის ქირის ასანაზღაურებელი თანხის გაცემა თვეში არაუმეტეს 300 ლარისა;
- ო) ოჯახში ძალადობის მსხვერპლის სტატუსის მქონე პირის დახმარება (გინეკოლოგის ან/და რეპროდუქტოლოგის დახმარება კონსულტაცია ან/და შესაბამისი სამედიცინო კვლევები) არაუმეტეს 200 ლარი;
- პ) 2024-2025 სასწავლო წლის დაწყებასთან დაკავშირებით ა(ა)იპ სარეაბილიტაციო ცენტრი „ჩვენი სახლის“ ბენეფიციარი ბავშვის დახმარება 150 ლარის ოდენობით;
- ჟ) სოციალურად დაუცველ ოჯახს (65000 ჟულის ჩათვლით) პირველ და მეორე ახალშობილზე ერთჯერადი დახმარება - 300 ლარი;
- რ) სადღესასწაულოდ (აღდგომა) სოციალურად დაუცველ ოჯახებზე (310001 ჟულის ჩათვლით) 100 წელს გადაცილებული პირების, დიდი სამამულო ომის მონაწილეებისა და ა(ა)იპ წყალტუბოს მუნიციპალიტეტის ინკლუზიური ცენტრის ბენეფიციარი 18 წლამდე ბავშვებისათვის, ასევე შესაბამის ადმინისტრაციულ ერთეულში მერის წარმომადგენლის შუამდგომლობის საფუძველზე მძიმე სოციალურ-ეკონომიკურ მდგომარეობაში მყოფი ოჯახებისათვის, რომლებიც არ მიეკუთვნებიან ზემოთ ჩამოთვლილ არცერთ კატეგორიას, კვების პროდუქტებით დახმარება, თითოეულ ოჯახს არაუმეტეს 80 ლარის ღირებულებისა.



- ს) ონკოლოგიური დაავადების მქონე 18 წლამდე ბავშვის (ლეიკემია, ლიმფოგრანულომატოზი, ანემია, სხვადასხვა სახის სიმსივნე) დახმარება - 2000 ლარი;
- ტ) ფენილკეტონურიით დაავადებულ პირთა დახმარება - 2000 ლარი;
- უ) მარტოხელა მშობლის სტატუსის მქონე პირის დახმარება - 300 ლარი;
- ფ) ფსორიოზით დაავადებულ პირთა დახმარება - 400 ლარი;
- ქ) მუნიციპალიტეტის ტერიტორიაზე რეგისტრირებული სახელმწიფო ზრუნვის სისტემიდან, კერძოდ კი მინდობით აღზრდიდან ან მცირე საოჯახო სახლებიდან სრულწლოვნობის მიღწევის გამო ამორიცხული ახალგაზრდების (18-21წელი) ბინის ქირით უზრუნველყოფა საცხოვრებლის არარსებობის შემთხვევაში - ყოველთვიურად არაუმეტეს 300 ლარისა;
- ღ) მუნიციპალიტეტის ტერიტორიაზე რეგისტრირებული სტუდენტების სწავლის საფასურის თანადაფინანსება, რომლებიც სწავლობენ ავტორიზებულ უმაღლეს საგანმანათლებლო დაწესებულებებში და მათი სოციალური მდგომარეობა მძიმეა მშობლების გარდაცვალების ან/და უგზოუკვლოდ დაკარგვის გამო. სტუდენტების თანადაფინანსება განისაზღვროს გადასახდელი თანხის 50% - არაუმეტეს 2000 ლარისა;
- ამავე ქვეპროგრამის ფარგლებში დაფინანსდებიან წყალტუბოს მუნიციპალიტეტის ტერიტორიაზე რეგისტრირებული შშმ სტუდენტები, თანადაფინანსება - გადასახდელი თანხის 50%-ით არაუმეტეს 2000 ლარისა;

- ყ) სპეციალიზებული დაწესებულებიდან (მათ შორის მინდობით აღზრდიდან) ბიოლოგიურ ოჯახში, მეურვესთან/მზრუნველთან საცხოვრებლად დაბრუნებულ თითოეულ ბავშვს, ოჯახის გაძლიერების მიზნით, განესაზღვროს დახმარება ექვს თვეში ერთხელ - 250 ლარი, წელიწადში - 500 ლარი;
- შ) პარკინსონით დაავადებულ პირთა დახმარება - 400 ლარი;
- ჩ) ქვეპროგრამის ფარგლებში დაფინანსდებიან წყალტუბოს მუნიციპალიტეტში მცხოვრები ბავშვიანი ოჯახები, რომლებიც იმყოფებიან კრიზისულ ვითარებაში და/ან საჭიროებენ დახმარებას. თითოეულ ოჯახზე გასაცემი თანხის ოდენობა არ აღემატება 2000 ლარს. ზუსტ ოდენობას განსაზღვრავს „სოციალური ღონისძიებების დაფინანსების განმსაზღვრელი კომისია“;
- ც) შშმ 18 წლამდე სმენადაქვეითებული ბავშვებისთვის სასმენი აპარატის შეძენა - თანხის ოდენობა განისაზღვრება არაუმეტეს 1500 ლარისა;
- ძ) მკვეთრად გამოხატული შშმ პირებისთვის, რომელთაც სტატუსი მიენიჭა თვალის დაავადების დიაგნოზით, დამოუკიდებლად საკუთარ ჯანმრთელობაზე ზრუნვის ხელშეწყობის მიზნით, სპეციალური ტექნიკის შესაძენად თანხის გამოყოფა არაუმეტეს 350 ლარისა;
- წ) გადაუდებელი აუცილებლობის შემთხვევაში, მეურვეობისა და მზრუნველობის ორგანოს რეგიონული საბჭოს გადანყვეტილების მიღებამდე ხანდაზმულთა სპეციალიზებულ დაწესებულებაში გადაყვანის ხარჯების ანაზღაურება არაუმეტეს 1500 ლარისა. მომსახურების დაფინანსების საკითხზე გადანყვეტილებას იღებს კომისია სპეციალური შემადგენლობით;





ბ.ვ) ქვეპროგრამა: ბავშვთა ინკლუზიური ცენტრი (პროგრამული კოდი 06 02 06). ქვეპროგრამის ფარგლებში ხორციელდება მუნიციპალიტეტის ტერიტორიაზე რეგისტრირებული 0-დან 18 წლამდე შშმ პირის სტატუსის მქონე ბენეფიციარების ზრდა-განვითარების ხელშეწყობა, საზოგადოებასთან ინტეგრაცია. ინკლუზიურ ცენტრში არსებული სერვისებით 15 ბენეფიციარი (5 გოგო და 10 ბიჭი) სარგებლობს.

ბ.ზ) ქვეპროგრამა: მუნიციპალიტეტის ტერიტორიაზე რეგისტრირებული მოქალაქეების სამედიცინო დახმარების თანადაფინანსება (პროგრამული კოდი 06 02 07). ქვეპროგრამის ფარგლებში გათვალისწინებულია სამედიცინო მომსახურების გეგმიური და გადაუდებელი სტაციონალური ქირურგიული ოპერაციები, მათ შორის თვალის კოსმეტიკური სახის ან ცხვირის რინოპლასტიკის რეკონსტრუქციული ფორმის ოპერაციები (სამედიცინო ჩვენებით), სხვა სამედიცინო მომსახურება-იოდოთერაპია, რადიოსიხშირული აბლაცია, ლითოტრიფსია, ქიმიო, ჰორმონო, სხივური თერაპია და სხვა. ლაბორატორიულ-ინსტრუმენტული და სხვა სახის კვლევები, რომელიც არ ანაზღაურდება სადაზღვევო პოლისით, ან არ არის გათვალისწინებული საყოველთაო ჯანდაცვის პროგრამით. სამედიცინო მომსახურების ღირებულება თანადაფინანსების წესით, ანაზღაურდება წელიწადში ერთხელ, რომელიც განისაზღვრება საყოველთაო ჯანდაცვის პროგრამით ან სხვა გზით გათვალისწინებული დაფინანსების გამოკლების შემდეგ დარჩენილი პაციენტის მიერ გადასახდელი თანხის 50%-ით, არაუმეტეს -1000 ლარისა.

ონკოლოგიური დაავადების მქონე პირების მკურნალობა - ოპერაციების, სამედიცინო კვლევების, ქიმიო, ჰორმონო და

სხივურ თერაპიის და სხვა. პროცედურების თანადაფინანსებისათვის საგარანტიო წერილი გაიცემა წელიწადში ორჯერ.

ქვეპროგრამით დაფინანსდებიან სხვადასხვა დაავადების მქონე 18 წლამდე ბავშვები, რომელთა აუცილებელი სამედიცინო მომსახურეობა ვერ ხერხდება საქართველოს სამკურნალო დაწესებულებებში და ნაწილობრივ დაფინანსებულია საქართველოს შრომის, ჯანმრთელობისა და სოციალური დაცვის სამინისტროს შესაბამისი პროგრამებით. მუნიციპალიტეტის მხრიდან მატერიალური დახმარების სახით გაიცემა თანხა 5000 ლარის ოდენობით.

ქვეპროგრამით მოსარგებლები არიან ასევე 2 წლიდან 15 წლის ასაკის ჩათვლით ბავშვები, რომლებსაც გააჩნიათ დაავადებათა საერთაშორისო კლასიფიკატორის (ICD-10) განვითარების ზოგადი აშლილობების (F84.0-F84.9) ჯგუფის დიაგნოზი ძირითად დიაგნოზად:

- ა) F84.0 ბავშვთა აუტიზმი
- ბ) F84.1 ატიპიური აუტიზმი
- გ) F84.2 რეტის სინდრომი
- დ) F84.3 ბავშვთა სხვა დეზინტეგრაციული აშლილობა
- ე) F84.4 ჰიპერაქტიური აშლილობა თანმხლები გონებრივი ჩამორჩენილობით და სტერეოტიპული მოძრაობებით
- ვ) F84.5 ასპერგერის სინდრომი
- ზ) F84.8 განვითარების სხვა ზოგადი აშლილობანი
- თ) F84.9 განვითარების ზოგადი აშლილობა დაუზუსტებელი

ასევე დაფინანსდებიან 2-15 წლამდე ასაკის ბავშვები სხვა გონებრივი ჩამორჩენილობით (F-78.0-78.9) რომელთაც ძირითად დიაგნოზად განესაზღვრათ:



- ა) F78.0 სხვა გონებრივი ჩამორჩენილობა. ქცევის აშლილობა არ არსებობს, ან მინიმალურია.
- ბ) F78.1 სხვა გონებრივი ჩამორჩენილობა. არსებობს ქცევის მნიშვნელოვანი აშლილობა, რომელიც მოითხოვს ყურადღებას და მკურნალობას.
- გ) F78.8 სხვა გონებრივი ჩამორჩენილობა, სხვა ქცევითი აშლილობანი
- დ) F78.9 სხვა გონებრივი ჩამორჩენილობა, განუსაზღვრელი ქცევითი აშლილობა

პროგრამით გათვალისწინებული მომსახურება ფინანსდება ყოველთვიურად ფაქტობრივი ხარჯის მიხედვით, მაგრამ არაუმეტეს თვეში 420 ლარისა.

ქვეპროგრამის ფარგლებში ასევე მედიკამენტების შესაძენად დაფინანსდებიან განსაკუთრებით მძიმე და საშიში დაავადების მქონე პირები. თანხის ოდენობას განსაზღვრავს ამ კუთხით შექმნილი „სოციალური ღონისძიებების დაფინანსების განმსაზღვრელი კომისია“.

ქვეპროგრამის ფარგლებში ასევე მოხდება 0-დან 18 წლამდე ასაკის ბავშვების სტაციონალური მკურნალობის თანადაფინანსება, რომელიც განისაზღვრება საყოველთაო ჯანდაცვის პროგრამით ან სხვა გზით გათვალისწინებული დაფინანსების გამოკლების შემდეგ დარჩენილი პაციენტის მიერ გადასახდელი თანხის 50%-ით არაუმეტეს 200 ლარისა.

ქვეპროგრამის ფარგლებში დაფინანსდება ბავშვთა ადრეული განვითარების სპეციალისტების ტრანსპორტირების ხარჯები, რომელიც ბავშვისთვის ბუნებრივ გარემოში (სახლი, ბაღი და ა.შ.) განახორციელებს საქართველოს ოკუპირებული ტერიტორიებიდან დევნილთა შრომის, ჯანმრთელობისა და

სოციალური დაცვის სამინისტროს 0-დან 7 წლამდე ბავშვთა ადრეული განვითარების მხარდაჭერის პროგრამის მიზნდება, წყალტუბოს მუნიციპალიტეტის ტერიტორიაზე რეგისტრირებული ბავშვებისათვის. ტრანსპორტირების ხარჯების ანაზღაურება მოხდება თვეში ერთხელ არაუმეტეს 450 ლარისა.

ბ.თ) ქვეპროგრამა: სტიქიის, ხანძრის შედეგად დაზარალებულ მუნიციპალიტეტის ტერიტორიაზე რეგისტრირებული მოქალაქეების დახმარება (პროგრამული კოდი 06 02 08). 2024 წელს მომხდარი ხანძრის, სტიქიის - მიწისძვრის, მეწყრის, ჩამოცვენის, ჩამოშლის, ქვათა ცვენის, კარსტული ჩამოქცევის, ღვარცოფის, წყალდიდობის, წვიმის (თოვლის) წყალმოვარდნის, ქარიშხლის, ძლიერი ქარის, გრიგალის, ძლიერი ქარბუქის, დიდთოვლობის, ძლიერი გაყინვის, მსხვილი სეტყვის, ძლიერი წვიმების, გვალვის, ზვავის, ხანძრის და სხვა ბუნებრივი ან/და ტექნოგენური ან/და საგანგებო ხასიათის მოვლენების შედეგად დაზარალებული მოქალაქეების კუთვნილ საცხოვრებელ სახლზე (ბინაზე) მიყენებული ზარალის ნაწილობრივი ანაზღაურებისათვის დახმარება განისაზღვრება წელიწადში ერთჯერადად არაუმეტეს 5000 ლარისა.

დახმარება ვრცელდება სტიქიის, ხანძრის შედეგად დაზარალებულებზეც, რომელთაც მიღებული არ აქვთ 2023 წლის ბიუჯეტით გათვალისწინებული ერთჯერადი დახმარება.

ბ.ი) ქვეპროგრამა: გენდერული თანასწორობის ხელშეწყობა (პროგრამული კოდი 06 02 09). პროგრამით მოხდება მუნიციპალიტეტში მცხოვრები ყველა გენდერულად სენსიტიური ჯგუფის - ძალადობის მსხვერპლი და/ან რისკ-ჯგუფის ქალების, მარტოხელა და/ან ქვრივი მშობლების (როგორც



ქალის, ისე კაცის), განსაკუთრებული საჭიროებების მქონე ახალგაზრდების, სოციალურად დაუცველი მრავალშვილიანი ოჯახების, შშმ პირების, მარტოხელა და ზრუნვის პოლიტიკის საჭიროების მქონე ხანდაზმულების, იგპ პირების საჭიროებების შესწავლა და ამ საჭიროებებზე მორგებული საბიუჯეტო წინადადებების შემუშავება და დანერგვა.

ბ.კ) ქვეპროგრამა: წყალტუბოს მუნიციპალიტეტის ტერიტორიაზე რეგისტრირებული სოციალურად დაუცველი ოჯახებისათვის ინდივიდუალური სახლების მშენებლობის ან/და შექმნა (პროგრამული კოდი 06 02 10). გათვალისწინებულია სოციალურად დაუცველი (12000 ქულის ჩათვლით) ოჯახების მცირე ფართიანი ინდივიდუალური სახლების მშენებლობა ან/და შექმნა, რომელთა საცხოვრებელი სახლები დაზიანების ხარისხის მიხედვით საცხოვრებლად უვარგისია, ექვემდებარება დემონტაჟს და არ გააჩნიათ სხვა ალტერნატიული საცხოვრებელი ფართი.

ბ.ლ) ქვეპროგრამა: წყალტუბოს მუნიციპალიტეტის ტერიტორიაზე რეგისტრირებული განსაკუთრებული საჭიროების მქონე ბავშვიანი ოჯახების დახმარება (პროგრამული კოდი 06 02 11). ქვეპროგრამის ფარგლებში დაფინანსდებიან ბავშვიანი ოჯახები, რომლებიც იმყოფებიან მძიმე სოციალურ-ეკონომიკურ მდგომარეობაში და/ან საჭიროებენ დახმარებას. ქვეპროგრამიდან თითოეულ ოჯახზე გასაცემი თანხის ოდენობა არ აღემატება 2500 ლარს. გასაცემი თანხის ზუსტ ოდენობას განსაზღვრავს ამ კუთხით შექმნილი „სოციალური ღონისძიებების დაფინანსების განმსაზღვრელი კომისია“.

## ჯანდაცვის სახელმწიფო პროგრამები

ჯანდაცვის სახელმწიფო პროგრამების მიზანია, მოსახლეობის ჯგუფებს შეუქმნას ფინანსური გარანტიები სამედიცინო მომსახურების ხელმისაწვდომობისათვის.

მეტი ინფორმაცია ვებგვერდზე: [www.moh.gov.ge](http://www.moh.gov.ge)

1. დაავადებათა ადრეული გამოვლენა და სკრინინგი
2. იმუნიზაცია
3. ეპიდზედამხედველობის პროგრამა
4. უსაფრთხო სისხლი
5. პროფესიულ დაავადებათა პრევენცია
6. ტუბერკულოზის მართვა
7. აივ ინფექცია/შიდსის მართვა
8. დედათა და ბავშვთა ჯანმრთელობა
9. ნარკომანიით დაავადებულ პაციენტთა მკურნალობა
10. ჯანმრთელობის ხელშეწყობის პროგრამა
11. ფსიქიკური ჯანმრთელობა
12. დიაბეტის მართვა
13. ბავშვთა ონკოჰემატოლოგიური მომსახურება
14. დიალიზი და თირკმლის ტრანსპლანტაცია
15. ინკურაბელურ პაციენტთა პალიატიური მზრუნველობა
16. იშვიათი დაავადებების მქონე და მუდმივ ჩანაცვლებით მკურნალობა
17. სასწრაფო გადაუდებელი დახმარება და სამედიცინო ტრანსპორტირება
18. სოფლის ექიმი
19. რეფერალური მომსახურება
20. სამხედრო ძალებში გასაწვევ მოქალაქეთა სამედიცინო შემოწმება
21. ქრონიკული დაავადებების სამკურნალო მედიკამენტებით უზრუნველყოფა

## აფხაზეთის ავტონომიური რესპუბლიკის სოციალური პროგრამები

ოკუპირებული აფხაზეთის ტერიტორიიდან დევნილთა ჯანმრთელობის ხელშეწყობისთვის მოქმედებს ამბულატორიული დახმარების და სტაციონარული მომსახურების პროგრამები სრული და ნაწილობრივი დაფინანსებით.

მეტი ინფორმაცია ვებგვერდზე:

<https://www.abkhazia.gov.ge>

ამბულატორიული დახმარების პროგრამა - 17 ქვეპროგრამით: კომპიუტერული და მაგნიტურ-რეზონანსული ტომოგრაფიული გამოკვლევები, ბავშვთა და მოზრდილთა რეაბილიტაცია, ინსტრუმენტული და ენდოსკოპიური და კლინიკურ-ლაბორატორიული გამოკვლევები, დასავლეთ საქართველოს რეგიონში კომპიუტერული ტომოგრაფიული გამოკვლევები, ბავშვთა და მოზრდილთა სტომატოლოგიური მომსახურება, მხედველობის ორგანოს სკრინინგული გამოკვლევა, ფარისებრი ჯირკვლის პათოლოგიათა დიაგნოსტიკა, სისხლის მიმოქცევის დაავადებათა სკრინინგი, რეპროდუქციული ჯანმრთელობის ხელშეწყობა, ბავშვთა და ქალთა პერსონალიზებული ჯანმრთელობის ხელშეწყობა, ბიოფსია და მასთან დაკავშირებული გამოკვლევები, აფხაზეთიდან დევნილთა მრავალპროფილური სკრინინგული გამოკვლევები, ონკოპაციენტთა დამატებითი სამედიცინო მომსახურების თანადაფინანსების ხელშეწყობა, ბავშვთა აბილიტაცია, პოზიტრონულ-ემისიური ტომოგრაფიული გამოკვლევა

**სტაციონარული მომსახურების პროგრამა - 3 ქვეპროგრამით:** დიაგნოსტიკისა და სტაციონარული მომსახურების თანადაფინანსება, გეგმიური კორონარული ანგიოგრაფია, მენჯ-ბარძაყის სახსრის ენდოპროთეზირება

**პროგრამით მოსარგებლები არიან:** ოკუპირებული აფხაზეთის ტერიტორიიდან დევნილი პირები.

**უპირატესობა ენიჭება:** სოციალურად დაუცველ, 18 წლამდე ასაკის და შშმ პირებს, ოკუპირებული აფხაზეთის ტერიტორიაზე მცხოვრებთ, ომისა და სამხედრო ძალების ვეტერანებს, პენსიონერებს და მარჩენალდაკარგული სტატუსის მქონე პირებს, მათ შორის, ომში დაღუპულის ოჯახის წევრს (მეუღლე).

## **დევნილთა სოციალური უზრუნველყოფის პროგრამა**

1. პროგრამის ბენეფიციარს წარმოადგენს და პროგრამის ფარგლებში გასაცემი თანხის ოდენობა შედგება:
  - ა) მეორე მსოფლიო ომის მონაწილე დევნილი – 300 ლარი
  - ბ) 30000-მდე სოციალური სარეიტინგო ქულის მქონე მკვეთრად გამოხატული შეზღუდული შესაძლებლობის სტატუსის მქონე დევნილი – 150 ლარი
  - გ) 30000-მდე სოციალური სარეიტინგო ქულის მქონე მარჩენალდაკარგული დევნილი – 150 ლარი
  - დ) დედ-მამით ობოლი არასრულწლოვანი დევნილი, თითოეულზე – 200 ლარი
  - ე) 100 წელს გადაცილებული დევნილი – 250 ლარი





- ვ) 30000-მდე სოციალური სარეიტინგო ქულის მქონე შეზღუდული შესაძლებლობის სტატუსის მქონე არასრულწლოვანი დევნილი – 200 ლარი
  - ზ) 30000-მდე სოციალური სარეიტინგო ქულის მქონე, ონკოლოგიური დაავადების მქონე დევნილი, სოციალურად დაუცველი – 200 ლარი
  - თ) აუტიზმის სპექტრული აშლილობის მქონე არასრულწლოვანი დევნილი – 200 ლარი
  - ი) სტიქიური უნედურების ან უბედური შემთხვევის შედეგად დაზარალებული დევნილი/დევნილი ოჯახი - 1000 ლარი
  - კ) სხვა დევნილი/დევნილი ოჯახი, რომლის სოციალური მდგომარეობა არის მძიმე - არაუმეტეს 1000 ლარი
2. დევნილზე/დევნილ ოჯახზე ერთჯერადი დახმარება გაიცემა საბიუჯეტო წლის განმავლობაში ერთხელ, გარდა საჭიროებიდან გამომდინარე გამონაკლისებისა.

